

mentis productis et tandem concluso in causa et termino partibus ad audiendum sententiam diffinitivam assignato et dictis reis absentibus, quorum absentiam repleat divina praesentia, invenimus dictum actorem intentionem suam sufficienter probasse et dictum censum de dictis hortis antecessores dicti domini Fridehelmi, qui habuerunt vicariam decanalem, quam ipse dominus Fridehelmus habet, et ipsum Fridehelmum possedissee pacifice et quiete. Ideo habito consilio peritorum solum deum habentes prae oculis diffinitive pronunciamus et sententialiter diffinimus in dei nomine in his scriptis, dictum dominum Fridehelmum et vicariam suam decanalem et censum praefatum de hortis saepedictis debere possidere et eundem censum ad dictam vicariam pertinere ac ideo dictum dominum Fridehelmum in possessione eadem et suam vicariam fore defendendum et tuendum; invenimus etiam et diffiniendo sententialiter pronuntiamus, dictum dominum Fridehelmum debere porrigere dictum hortum, situm circa allodium Johannis dicti de Budissyn et eiusdem porrectionem ad dictum dominum Fridehelmum et ad suam vicariam decanalem legitime pertinere. Lata et lecta est haec sententia sub anno dominicae incarnationis M<sup>o</sup>.CCC<sup>o</sup>.XLIX<sup>o</sup>. in die Galli confessoris praesentibus dominis Henrico decano, Alberto praeposito ecclesiae Budisnensis, Johanne de Dragenicz canonicis ecclesiae Misnensis, nec non Johanne de Milticz, Hermanno de Luben, Conrado de Schellinberg, perpetuis vicariis ecclesiae Misnensis praedictae, testibus ad hoc vocatis specialiter et rogatis.

Nach dem Orig. im Stiftsarchiv zu Meissen mit dem Siegel des Offizials der Probstei an einem Pergamentstreifen.

No. 452. 1350. 12. Febr.

*B. Johann und die Mitglieder des Capitels vereinigen sich zu Ernennung von vier Schiedsrichtern in verschiedenen zwischen ihnen und unter einander bestehenden Missverständnissen und Streitigkeiten, und verpflichten sich insgesamt eidlich, dem Ausspruche derselben Folge zu leisten.*

In nomine domini amen. Anno nativitatis eiusdem millesimo CCC<sup>o</sup>. quinquagesimo indictione tertia duodecima die mensis Februarii hora quasi vesperarum in monasterio sanctimonialium sanctae Crucis prope Misnam, pontificatus sanctissimi in Christo patris et domini nostri domini Clementis divina providentia papae sexti anno octavo, in mei notarii publici infrascripti et testium subscriptorum praesentia constituti reverendus pater et dominus dominus Johannes episcopus ecclesiae Misnensis ex una et honorabiles viri domini Johannes de Strelis archidiaconus Lusaciae, Tammo de Luppa praepositus Haynensis, Otto de Donyt et Michael de Summervelt canonici eiusdem ecclesiae pro se et tribus eorum sociis absentibus, videlicet dominis Henrico de Gubin decano, Palberto de Mulhusin cantore et Paxlao de Nymantz canonico, necnon iam nominati domini ac Hermannus de Wolftitz archidiaconus Nysicensis, Henricus de Slynitz, Albertus Knuet praepositus Budissinensis et Johannes de Droynitz canonici praefatae Misnensis ecclesiae parte ex altera, pro se et omnibus ac singulis suis concanonicis vocem in capitulo habentibus et absentibus et omnibus suis successoribus voluntarie et ex certa scientia non per errorem de et super omnibus et singulis iniuriis, dampnis, iuribus et libertatibus et consuetudinibus, articulis et